

國學基本叢書

毛詩注疏

(四)

傳	亨	毛
箋	玄	鄭
疏	達	穎
		孔

商務印書館發行

中華民國二十五年七月初版

國學基本叢書

毛詩注疏四冊

(82080)

每部實售國幣壹元陸角

外埠酌加運費匯費

傳者 毛

箋者 鄭

疏者 孔穎

發行人 王雲五

印刷所 商務印書館

發行所 商務印書館

# 附釋音毛詩注疏

## 卷十七（十七之一）

### 生民之什詁訓傳第二十四

陸曰·自生民至卷阿八篇·成王周公之正大雅·

#### 毛詩大雅

鄭氏箋

孔穎達疏

生民尊祖也。后稷生於姜嫄。文武之功起於后稷。故推以配天焉。

○嫄音原·姜姓嫄名·有郃氏之女·帝嚳元妃·后稷母也·

〔疏〕

生民八章首章十句二章三章八句四章五章十句六章八句七章十句卒章八句至配天焉○正義曰·作生民詩者·言尊祖也·序又言尊祖之意·以后稷生於姜嫄而來·其文王受命·武王除亂·以定天下之功·其兆本起由

於后稷·及周公成王·致大平制禮·以王功起於后稷·故推舉之以配天·謂配夏正郊天焉·祭天而以祖配祭者·天無形象·推人道以事之·當得人爲之主·禮記稱萬物本於天·人本於祖·俱爲其本·可以相配·是故王者皆以祖配天是同祖於天·故爲尊也·祖之定名·父之父耳·但祖者始也·已所從始也·自父之父以上皆得稱焉·此后稷之於成王·乃十七世祖也·不言姜嫄生后稷者·經稱厥初生民·時維姜嫄·是據后稷本之姜嫄·故序亦順經而爲文也·言文武之功起於后稷者·周語云·后稷勤周·十五世而興·是后稷勤行功業·爲周室開基也·中候稷起註云·堯受河圖洛書·后稷有名錄·苗裔當王·是后稷子孫當王·名見圖書也·文既因之·武亦因之·故并言文

武之功起於后稷也。經八章。上三章言后稷生之所由顯異之事。是后稷生於姜嫄也。下五章言后稷長而有功。見其得以配天之意。其言推以配天。結上尊祖之言。於經無所當也。

### 厥初生民時維姜嫄

生民。本后稷也。姜。姓也。后稷之母。配高辛氏帝焉。箋云。厥。其。初。始。時。是也。言周之始祖。其生之者是姜嫄也。姜。姓者。炎帝之後。有女名嫄。當堯之時。為高辛氏之世妃。本后稷之初生。故謂之生民。

### 生民如何克禋克祀以弗無子

禋。敬。弗。去也。去無子求有子。古者必立郊禘焉。玄鳥至之日。以大牢祠于郊禘。天子親往。后妃率九嬪御。乃禮天子所御。帶以弓鬪。授以弓矢于郊禘之前。箋云。克。能也。弗之言禘也。姜嫄之生后稷如何乎。乃禋祀上帝於郊禘。以祓除其無子之疾。而得其福也。能者。言齊肅當神明意也。二王之後。得用天子之禮。○禋音因。嬪。婢人反。鬪音獨。弓衣。祓音拂。又音廢。下同。齊。側皆反。本亦作齋。篇末齊敬同。

### 履帝武敏歆攸介攸止載震載夙載生載育時維后稷

履。踐也。帝。高辛氏之帝也。武。迹。敏。疾也。從於帝而見于天。將事齊敬也。歆。饗。介。大也。「止」也。載。福祿所止也。震。動。夙。早。育。長也。后稷播百穀以利民。箋云。帝。上帝也。敏。抑也。介。左右也。夙之。言肅也。記郊禘之時。時則有大神之迹。姜嫄履之。足不能滿。履其拇指之處。心體歆然。其左右所止住。如有入道感己者也。於是遂有身。而肅戒不復御。後則生子而養長。一名之曰弃。舜臣堯而舉之。是為后稷。○敏。密謹反。歆。許金反。介音戒。震。真慎反。見。賢遍反。齊敏。側皆反。又如字。

〔疏〕厥初至后稷。○毛以為本其初生此民者。誰生之乎。是維姜嫄。言有女性姜名嫄。生此民也。既言姜嫄生民。又問民生之狀。言姜嫄之生此民。如之何以得生之乎。乃由姜嫄能禋敬。能恭祀於郊禘之禮。以除去

無子之疾。故生之也。禋祀郊禘之時。其夫高辛氏帝。率與俱行。姜嫄隨帝之後。踐履帝迹。行事敬而敏疾。故為神歆饗。神既饗其祭。則愛而祐之。於是為天神所美大。為福祿所依止。即得懷妊。則震動而有身祭。則蒙祐

獲福之夙早。終人道則生之。既生之。則長養之。及成人有德。爲舜所舉用。播種百穀。以利益下民。維爲后稷矣。本其初生。故謂之生民。民則人所不識。后稷是顯見之號。故言是維后稷以結之。○鄭唯履帝以下三句爲異。其首尾則同。言當祀郊禘之時。有上帝大神之迹。姜嫄因祭見之。遂履此帝迹拇指之處。而足不能滿。時即心體欲歆如有物。所在身之左右。所止住於身中。如有人道精氣之感已者也。於是則震動而有身。則肅戒不復御。餘同。○傳生民至帝焉。○正義曰。此章首言生民即后稷也。后稷而謂之民者。本其初生。而未有貴位。生與民同。以民言之。故云生民本后稷也。晉語云。黃帝以姬水成。炎帝以姜水成。成而異德。故黃帝爲姬。炎帝爲姜。是姜者炎帝之姓。故云姜姓也。言后稷之母配高辛氏帝。謂爲帝嚳之妃。與嚳相配。而生此后稷。以后稷爲嚳之子也。張晏曰。高辛。所興地名。嚳。以字爲號。上古質故也。大戴禮帝繫篇。帝嚳卜其四妃之子。皆有天下。上妃有郤氏之女曰姜嫄。而生后稷。次妃有娥氏之女曰簡狄。而生契。次妃陳鋒氏之女曰慶都。生帝堯。下妃姬訾之女曰常儀。生摯。以堯與契俱爲嚳子。家語世本。其文亦然。故毛爲此傳。及玄鳥之傳。司馬遷爲五帝本紀。皆依用焉。其後劉歆。班固。賈逵。馬融。服虔。王肅。皇甫謐等。皆以爲然。然則堯爲聖君。契爲賢弟。在位七十載而不能用。必待舜乃舉之者。聖人顯仁藏用。匿迹隱端。雖則自知。故不委任。待衆舉而後用。見取人之大法耳。若稷契堯之親弟。當生在堯立之前。比至堯崩。百餘歲矣。堯崩之後。仍爲舜所勅用者。以其並是上智。壽或過人。不可以凡人促齡。而怪彼永命也。若稷契即是嚳子。則未嘗隔世。左傳之說公元。云世濟其美者。正以能承父業。即稱爲世。不要歷數世也。其緯候之書。及春秋命歷序。言五帝傳世之事爲毛說者。皆所不信。○箋厥其至生民。○正義曰。厥其。釋言文。初始。釋詁文。周始祖后稷也。周以后稷爲始祖。文王爲太祖。雍禘太祖。謂文王也。后稷以初始感生。謂之始祖。又以祖之尊大。亦謂之太祖。周語曰。我太祖后稷之所經緯。是也。若文王以受命之大。唯得稱太祖。不得言始祖也。箋必名此經之民爲始祖者。以人之爲人。皆有始生之時。如此詩言初生。欲明自此已前。未有周家種類。周之上元。始生於此。故言周之始祖。解其言厥初之意也。以炎帝姓姜。故知姜嫄是炎帝之後。姓姜而以嫄配之。故知有女名嫄。婦人不以名行。此嫄或當是字。但五帝時質。未必有名字之別。故以名言之。鄭信讖緯。以命歷序云。少昊傳八世。顓頊傳九世。帝嚳傳十世。則堯非嚳子。稷年又小於堯。則姜嫄不得爲帝嚳之妃。故云。當堯之時。爲高辛氏之世妃。謂爲其後世子孫之妃也。人世短長無定。於是時書又散亡。未知其爲幾世。故直以世言之。其大戴禮史記諸書。皆鄭所不信。張融云。稷契年稚於堯。堯不與嚳並處帝位。則稷契焉得爲嚳子乎。若使稷契必嚳子。如史記。是堯之兄弟也。堯有賢弟七

十不用。須舜舉之。此不然明矣。詩之雅頌。姜嫄履迹而生。爲周始祖。有妣以玄鳥至商。而契爲玄王。卽如毛傳史記之說。譽爲稷契之父。帝嚳聖夫。姜嫄正妃。配合生子。人之常道。則詩何故但歎其母。不美其父。而云赫赫姜嫄。其德不回。上帝是依。是生后稷。周魯何殊。特立姜嫄之唐乎。融之此言。蓋得鄭旨。但以姜嫄爲世妃。則於左傳世濟之文復協。故易傳不以爲高辛之妃也。○傳禮敬至之前。正義曰。釋詁云。禮。祭也。則禮是祭之名。又云。禮。敬也。義得相通。且祭必致敬。故以禮爲敬也。大宗伯云。禮祀昊天上帝。註云。禮之言祭。周人尙臭。煙。氣之臭聞者也。則鄭以禮者唯祭天之名。故書稱禮于六宗。鄭皆以爲天神。經傳之中。亦非祭天。而稱禮祀者。諸儒遂以禮爲祭之通名。王肅云。外傳曰。精意以享曰禮。禮非燔燎之謂也。袁準曰。禮者。煙氣煙燼也。天之體遠。不可得就。聖人思盡其心。而不知所由。故因煙氣之上。以致其誠。故外傳曰。精意以享禮。此之謂也。準又稱難者曰。禮于文王何也。曰。夫名有轉相因者。周禮云。禮祀上帝。辨其本言煙燼之禮也。書曰。禮于文武者。取其辨精意以享也。先儒云。凡聚祀曰禮。若聚祀爲禮。不宜別六宗與山川也。凡祭禮無不聚。而不可謂皆精。然則精意以享。宜施燔燎。精誠以假煙氣之升。以達其誠故也。切以準言爲然。鄭於尙書。以文武於明堂配五帝。故亦以稱禮。是禮名唯施於祭天也。傳於此下。卽說郊禘之祀。郊必祭天。則毛亦以此禮爲祭天。其餘書傳言禮者。則未知毛意與誰同也。弗訓爲去。心所不欲。卽當去之。故以弗去謂去無子以求有子也。經言禮祀。未知所祀之神。故云古者必立郊禘焉。言此祀祀郊禘也。知者。以婦人無外事。不因求子之祭。無有出國之理。又禘祀以求子。唯禘爲然。故知禮祀是祀禘也。旣言所祀之神。因言其祭之禮。自玄鳥至之日以下。皆月令文。所異者唯彼郊作高耳。玄鳥。燕也。燕至在春分二月之中。燕以此時感陽氣。來集人堂宇。其來主爲產乳蕃滋。故王者重其初至之日。用牛羊豕之太牢。祀於郊禘之神。蓋祭天而以先禘者配之。繼一禘。言禘者。神之也。其祭之時。天子親自身往。敬其事。故親祭之。於時后妃率九嬪從之。而往侍御於祭焉。天子內官。有后也。夫人也。嬪也。世婦也。女御也。而獨言九嬪者。以后是內官之主。須后妃率之。五等則九嬪居中。舉中而言。明百二十人皆往也。未有孕而往者。求其早有孕也。內官百二十人。周之制也。高辛之時。未有此數。因禮之成文而引之耳。於祀之時。乃以醴酒禮天子所御。謂已被幸有娠者也。使太祝酌酒飲之於郊禘之庭。以神之惠光顯之也。旣飲之酒。又帶以弓之韜衣。授以弓矢。使執之於郊禘之前。弓矢者男子之事。使之帶弓衣。執弓矢。冀其所生爲男也。鄭於月令之註。其意則然。唯高禘異耳。故鄭註云。高辛氏之世。玄鳥遺亂卵。簡狄吞之而生契。後王以爲禘官嘉祥。而立其祀焉。以爲由高辛有嘉祥。故稱高禘。蔡邕月令章句云。

高禘祀名。高猶厚也。禘猶謀也。吉「爭」先見之象。謂之人先。毛於此及玄鳥傳。皆依作郊禘。則讀高爲郊。下傳云。從於帝而見於天。則此祭爲祭天。不祭人先也。於郊故謂之郊。不由高辛。亦不以高爲尊也。郊天用特牲。而此祭天用太牢者。以兼祭先禘之神。異於常郊故也。鄭於此箋。亦云禮祀上帝於郊禘。則后稷未生之前。已有郊禘之祀矣。而月令註以爲簡狄吞卵生契。後王以爲嘉祥。而立其祀。又以契之後王始立此祀。二義不同者。鄭記王權有此間。焦喬答云。先契之時。必自有禘祫祫除之祀。位在南郊。蓋以玄鳥至之日祀之矣。然得禘祀乃於上帝也。城簡吞卵。有子之後。後王以爲嘉祥。祀之以配帝。謂之高禘。毛傳亦云郊禘者。以古自有於郊克禘之義。又據禮之成文耳。祀天而以先禘配之。義如后土祀以爲社。此是鄭沖弟子。爲說以申鄭義。其意言高辛已前。祭天於郊。亦以先禘配之。謂之郊禘。至高辛之世。以有吞卵之事。以爲禘之嘉祥。又以高辛之世禘配此祭。故改之而爲高禘。故此箋從傳爲郊祀禮。解其高義。後王以爲嘉祥。而立其祀。謂立禘以配郊。非謂立郊求子。始於後王。鄭意或當然也。如此爲說。可得合詩禮二註耳。然禮註爲高辛之世者。謂高辛之後世子孫猶號高辛。其時簡狄吞卵生契。如此得與稷同時爲堯臣耳。○箋克能至之禮。正義曰。克能。釋言文。釋詁云。祫、福也。孫炎曰。祫除之福。周語云。祫除其心。女巫云。祫除蠶浴。左傳。祫社饗鼓。檀弓云。巫先祫。皆祫除凶惡。義取祫去。故云弗之言祫也。禮祀上帝於郊禘。祫除其無子之疾。以得其福。雖解弗字爲異。與傳去無子之意亦同也。非天子不得祭天。此姜嫄是爲高辛氏後世之妃。則其夫不爲天子。所以得祈郊禘祭天神。故解之云。二王之後。得用天子之禮故也。王者存先代。所以通天三統。使得行其正朔。用天子之禮。故禮運曰。杞之郊也。禹宋之郊也。契是二王之後。得祭天也。下言后稷功成。乃封之於部。則此時必有國矣。未知其國之名。所在之地耳。○傳履踐至利民。正義曰。諸書傳言姜嫄履大迹生稷。簡狄吞卵生契者。皆毛所不信。故以帝爲高辛氏帝。蓋以二章本章皆言上帝。此獨言帝不言上。故以爲高辛氏帝也。釋訓云。履帝武敏。故訓敏爲疾。又解姜嫄得踐帝迹所由。以高辛之帝親行禮祀。姜嫄從於帝而往見於天。故行在後。而踐帝之迹。從帝見天。卽上傳所云后妃率九嬪御是也。踐迹者。直謂隨後行耳。非必以足躡其踐地之處也。將事齊敏者。將、行也。謂行祀天之事齊敬而速疾也。鬼神食氣謂之歆。故以歆爲饗。謂祭而神饗之也。介大。釋詁文。福祿所止。謂止於姜嫄。使之早有子也。震動。夙早。育長。皆釋詁文。動謂懷妊而身動也。昭元年左傳曰。邑姜方震大叔。哀元年左傳曰。后緡方震。皆謂有身爲震也。早者。言其得福之早。得福乃有身。早文應在震上。今在

下者。見有身而始知得福。故先震後夙。且以爲韻。故姜嫄之配高辛。亦應久矣。未必生稷之歲始來配之。若前已禋祀。此年始震。則是得福晚矣。而言早者。作者因事而言。以祈卽有子。故繼祈爲早耳。又解此人其名曰棄。所以謂之後稷者。以其身爲稷官。能種百穀以利民。故以後稷稱之。周本紀云。堯舉棄爲農師。天下得其利。堯典云。帝曰。一棄。黎民阻飢。汝后稷。播時百穀。是其利民之事也。○箋帝上帝至后稷。○正義曰。鄭以此及玄鳥。是說稷以述生。契以卵生之經文也。河圖曰。姜嫄履大人迹生后稷。中候稷起云。蒼耀稷生感述昌。契握云。玄鳥翔水遺卵流。娥簡吞之生契。封商。苗興云。契之卵生。稷之迹乳。史記周本紀云。姜嫄出野。見巨人迹。心忻然悅。欲踐之。踐之而身動如孕者。及莽而生棄。殷本紀云。簡狄行浴。見玄鳥墮其卵。簡狄取吞之。因孕生契。是稷以述生。契以卵生之說也。又闕宮云。赫赫姜嫄。其德不回。上帝是依。言上帝依姜嫄以生后稷。故以帝爲上帝。且鄭以姜嫄非高辛之妃。自然不得以帝爲高辛帝矣。此上帝卽蒼帝靈威仰也。長發箋云。帝。黑帝。此不言蒼帝者。彼以下有玄王。故言黑帝。此下有上帝。故言上帝。各隨經勢而爲文也。爾雅引此釋之。而以敏爲拇指。故依用之云。敏。拇也。孫炎曰。拇迹。大指處。釋詁「文」。介。右也。郭璞曰。相佑助也。孫炎曰。介者。相助之義。如人之左右手。故以介爲左右也。傳以夙爲早。震後言早。於事不次。故轉之云。夙之言肅。自肅戒也。以緯候及史記諸文。故知祀郊禘之時。則有大神之迹。姜嫄履之也。履神之迹。直言武足矣。而復言拇。是先履其跟之迹。又移足以就拇。旣言大迹。明不能滿。故云足不能滿。履其拇指之處。履拇之下。而卽言歆。故知心體歆然。意動之狀也。左右所止住。如有人道感己者。謂如人夫妻交接之道。檀弓曰。寡婦不夜哭。注云。嫌思人道。亦謂此也。於是遂有身。肅戒不復御。解載震夙也。大明曰。大任有身。是「爲」。震爲有身。靜女傳曰。生子月辰。以金環退之。婦人有娠。則禮當不御。故所以自肅戒也。後則生子而長養之。解載生載育也。周本紀云。棄之隘巷寒冰。後收養之。初欲棄之。因名曰棄。堯典云。帝曰。棄。是名之曰棄。文十八年左傳曰。高辛氏有才子八人。堯不能舉。舜臣堯而舉之。使布五教於四方。堯典注云。舉八元。使布五教。契在八元中。稷亦高辛氏之後。自然在八元中矣。故知舜臣堯而舉之。堯典注又云。堯初天官爲稷。舜登用之年。舉棄爲之。故云是爲后稷。鄭志趙商問。此箋云。帝上帝。又云。當堯之時。姜嫄爲高辛氏世妃。意以爲非帝嚳之妃。史記。嚳以姜嫄爲妃。是生后稷。明文皎然。又毛亦云。高辛氏帝。苟信先籍。未覺其徧隱。是以敢問易毛之義。答曰。卽姜嫄誠帝嚳之妃。履大人之迹而歆然。是非眞意矣。乃有神氣。故意歆然。天下之事。以前驗後。其不合者。何可悉信。是故悉信亦非不信。亦非稷稚於堯。堯見爲天子。高辛與堯。並在天下。

子位乎。是箋  
易傳之意也。

### 誕彌厥月先生如達。

誕。大。彌。終。達。生。二也。姜嫄之子。先生者也。箋云。達。羊子也。大矣。后稷之在其母。終人道十月而生。生如達之生。言易也。○彌。面支反。達。他未反。註同。說文云。小羊也。沈云。毛如字。易。以豉反。下同。

### 不「拆」不副無菑無害。

言易也。凡人在母。母則病。生則拆副。當害其母。橫逆人道。○拆。勑宅反。副。孚逼反。說文云。分也。字林云。判也。匹亦反。菑音災。註同。

### 以赫厥靈上帝不寧不康禋祀居然生子。

赫。顯也。不寧。寧也。不康。康也。箋云。康寧皆安也。姜嫄以赫然顯著之徵。其有神靈審矣。此乃天帝之氣也。心猶不安之。又不安徒以禋祀而無人道。居默然自生子。懼時人不信也。

### 〔疏〕

誕彌至生子。○毛以爲上言得福有子。此言其生之易。言可美大矣。姜嫄之孕后稷。終其孕之月而生之。婦人之生首子。其產多難。此後稷雖是最先生者。其生之易。如達之生。然羊子以生之易。故比之也。其生

之時。不拆割不副裂其母。故其母無災殃。無患害。以此故可美大也。天既祐令有身。又使之生易。是天意以此顯明其有神靈也。上天之意。豈不降福而安之乎。言上天誠降福而安之。使母之無病苦。子得易生。是天安之也。姜嫄之身。豈不見安於禋祀乎。言姜嫄實見安於禋祀。祈則有子。生之又易。是爲禋祀所安也。由爲禋祀所安。故得居處怡然無病而生子也。○鄭唯下四句爲異。言姜嫄履迹有身。其生又易。以此赫然顯著之徵。其有神靈審也。此乃上帝精氣。姜嫄心不自安。以天人道隔。而人生天庖。故心不自安也。非徒生天之惰。心不自安。又不安其徒禋祀神明。無人道交接。居處默然而生此子。以無夫而生。又懼時人不信。當棄而異之。使人知其異。故下所以棄之也。○傳誕大至生者。○正義曰。誕大。釋詁文。彌終。釋言文。達生者。言其生易如達羊之生。但傳文略耳。非訓達爲生也。又解言先生之意。以人之產子。先生者多難。此後稷是姜嫄之子最先生者。應

雖而今易。故言先生以美之。此主言后稷是姜嫄首子而已。后稷有同母弟妹以否。書亦無文焉。○箋達羊至言易。○正義曰。說文云。「達」。小羊也。從羊。大聲。薛瑒答韋昭曰。羊子初生達。小名羔。未成羊曰羴。大曰羊。長幼之異名。以羊子初生之易。故以比后稷生之易也。大戴禮及春秋元命包皆云。馬遷之言。未可信也。○傳言易踐。巨人迹。身動如孕者。及非而生子。則終一年矣。此言終月。必終人之常月。馬遷之言。未可信也。○傳言易至人道。○正義曰。經之所言。皆說其生之易。故云言易也。以摠解一經。又解易生。所以爲美者。以凡常之人。在母腹則病。其生則又「拆墮」。災害其母。以橫逆人道。今后稷之生。能無拆墮災害。故美之也。晉語云。文王在母不愛。是謂未生爲在母。圻墮皆裂也。禮記曰。爲天子削瓜者墮之。是墮爲裂也。圻墮災害其母。皆謂當產之時。闕宮云。無災無害。彌月不遲。亦謂生時無災害。故彼箋引此解之。明其同也。然則此經止言生易。不言在母病。傳言凡人在母。母則病者。因其生之易。從在母而本之。見凡人之生。不如后稷。所以爲美耳。橫逆人道。謂不由人所生之道也。史記楚世家云。陸終娶於鬼氏曰。女潰孕。三年不乳。乃剖其左脇。獲三人焉。橫逆其右脇。獲三人焉。帝王世紀云。簡狄剖背生契。如此之類。是橫逆人道也。若然。契亦大賢。剖背而出。則圻墮災害不爲惡矣。此美其無災害者。人之賢愚。不由母生之難易。要人情皆欲其易。不欲其難。因見稷之生「由」言之以爲美耳。晉語曰。大任震文王不變。少洩於「家」牢。而得文王。不加病焉。亦美文王生易。與此同矣。此言橫逆人道。謂人所生之道。上箋云。終人道者。謂人在母腹之道。如有人道感已者。謂人交接之道。人道之言雖同。三者皆小別耳。○傳赫顯至康也。○正義曰。以赫是明貌。故爲顯也。天實降福以安后稷。美姜嫄實爲因禮祀所安。而經乃言不寧不康。故皆反其言也。王肅云。天以是顯著后稷之神靈。降福而安之。言姜嫄可謂禮祀所安。無疾而生子。○箋康寧至不信。○正義曰。康寧皆安。釋詁文。箋以此章上四章言。后稷之生。下章言其弃之。此經四句。文在既生之後。弃之上。則是說其弃子之意。爲下章張本。故易傳也。墮大迹而有身。不由夫而生子。是有顯著之徵也。既見如此徵驗。知其實有神靈。故云姜嫄以赫然顯著之徵。其有神靈審矣。言姜嫄自知此子審是神靈所生也。又解上帝不寧之意。祀天而見大人迹。履之如有感已。此感之者。乃是天帝之氣。人不當共天交接。今乃與天生子。子雖生訖。其心猶不安之也。上帝不寧者。爲生天之旨。故不安。不康禮祀者。懼時人不信。故不安也。以此故再言不安。徒禮祀而無人道。空祀神明。而無人道交接。故居位默然而得生子。懼時人不信其然。或得疑其犯禮奸淫。而有此旨。以此又復不安。姜嫄既有此事不安。欲望衆「言」。故棄之以顯其異。使衆人知之也。異義詩齊。魯、韓、春秋公羊說。聖人皆無父。感天而生。左氏說。聖人皆有父。謹案堯典。以

親九族。卽堯母慶都。感赤龍而生堯。媿安得九族而親之。禮議云。唐五帝。知不感天而生。玄之聞也。諸言感生得無父。有父則不感生。此皆偏見之說也。商頌曰。天命玄鳥。降而生商。謂娥簡吞亂子生契。是聖人一感生。見一於經之明文。劉媪是漢太上皇之妻。感赤龍而生高祖。是非有父感神而生者也。且夫蒲盧之氣。媿腹桑蟲。成爲己子。況乎天氣。因人之精。就而神之。反不使子賢聖乎。是則然矣。又何多怪。如鄭此言。天氣因人之精。使之賢聖。則天氣不獨生人。此姜嫄得無人道而生子者。言非一端也。彼以古今異說。言感生則不得有父。有父則不得感生。偏執一見。理未弘通。故鄭引蒲盧爲喻。以證有父得感生。「耳」必由父也。所引吞亂生契。卽是不由父矣。又何怪於后稷也。稷契等雖感天氣。母實有夫。則亦爲有父。繼父爲親。故稱稷之胃。唐堯之親九族。立五帝。亦猶此也。稷契俱是感生。「契」稷不棄契者。人之意思耳。或者簡狄雖則吞亂。仍御於夫。其心自安。故不棄之耳。馬融之說此詩。則異於是矣。故云仍御於夫。王肅引馬融曰。帝嚳有四妃。上妃姜嫄。生后稷。次妃簡狄。生契。次妃陳鋒。生帝堯。次妃嫫髀。生帝摯。摯最長。次堯。次契。次契。下妃三人。皆已生子。上妃姜嫄。未有子。故禮記求子。上帝大安其祭祀而與之子。任身之月。帝嚳崩。摯卽位而崩。帝堯卽位。帝嚳崩後十月。而后稷生。蓋遺腹子也。雖爲天所安。然寡居而生子。爲衆所疑。不可申說。姜嫄知后稷之神奇。必不可害。故欲棄之。以著其神。因以自明。堯亦知其然。故聽姜嫄棄之。肅以融言爲然。又其奏云。稷契之與。自以積德累功於民事。不以大述與燕卵也。且不夫而育。乃載籍之所以爲妖。宗周之所喪滅。其意不信履大述之事。而又不能申棄之意。故以爲遺腹子。姜嫄避嫌而棄之。王基駁之曰。凡人有遺體。猶不以爲嫌。況於帝嚳聖主。姜嫄賢妃。反當嫌於遭喪之月。便犯禮哉。人情不然一也。就如融言。實是帝嚳之子。凡聖主賢妃。生子未必皆賢聖。能爲神明所祐。堯有丹朱。舜有商均。文王有管蔡。姜嫄御於帝嚳而有身。何以知其特有神奇。而置之於寒冰乎。假令鳥不覆翼。終疑逾甚。則后稷爲無父之子。嚳有淫昏之妃。姜嫄有污辱之毀。當何以自明哉。本欲避嫌。嫌又甚焉。不然二也。又世本云。帝嚳卜其四妃之子。皆有天下。若如融言。任身之月。而帝嚳崩。姜嫄尚未知有身。帝嚳焉得知而下之。苟非其理前却繫礙。義不得通。不然三也。不夫而育。載籍之所以爲妖。宗周之所以喪滅。誠如肅言。神靈尙能令二龍生妖女以滅幽王。天帝反當不能以精氣育聖子以興帝王也。此適所以明有感生之事。非所以爲難。肅信二龍實生褒姒。不信天帝能生后稷。是謂上帝但能作妖。不能爲吉祥。長於爲惡。短於爲善。肅之乖戾。此尤甚焉。馬昭曰。稷奇見於既棄之後。未棄之前。用何知焉。孫毓云。天道微祥。古今有之。皆依人道而有靈助。劉媪之任高祖。著有雲龍之怪。褒姒之生。由於玄龜之妖。巨迹之感。何獨不

然。而謂自履其夫帝嚳之迹。何足異而神之。乃敢棄隘巷寒冰。有覆翼之應乎。而王傳云。知其神奇。不可得害。以何為徵也。且匹夫凡民。遺腹生子。古今有之。嚳崩之月。而當疑為奸。非夫有識者之所能言也。鄭說為長。羣賢以鄭為長。長則信矣。所言王短。短猶未悉。何則。馬王立說。自云述毛。其言遺腹寔居。必謂得毛深旨。案下傳曰。天生后稷。異之於人。欲以顯其靈。帝不順天。是不明也。故承天意而異之於天下。是言天異后稷於人。帝又承天之意。所以棄而異之。明示天下。安有遺腹寔居之事乎。即由天異而棄之。何須要在寔居。若以寔居為嫌。何以必知其異。若使無異可棄。竟當何以自明。又上傳云。帝高辛氏。下傳云。帝不順天。則帝亦高辛之帝。安得謂之堯也。五章傳云。堯見天因部而生后稷。因之曰堯。不名高辛。益知此帝不為堯也。何以堯知其然。聽姜嫄棄之。且馬王之說。姜嫄「為」辛之正妃。其於帝堯。則君母也。比之後世。則太后也。以太后之尊。欲棄己子。足以自尊。不假堯命。何云聽棄之也。又堯為人兄。聽母棄弟。縱其安忍之心。殘其聖父之盾。不慈不孝。亦不是過。豈有欽明之后。用心若此哉。若以堯知其神。故為顯異。則堯之知稷之甚矣。初生以知其神。纔長應授之以位。何當七十餘載。莫之收采。自有聖弟。不欲明揚。虞舜登庸。方始舉任。雖帝雖之。豈其若此。故知王氏之說。進退多尤。所言遺腹。非毛旨矣。其解文義。傳意或然。故采其釋經之辭。遺其說。寔居之。

### 誕寘之隘巷。牛羊腓字之。

誕。大。寘。置。腓。辟。字。愛也。天生后稷。異之於人。欲以顯其靈也。帝不順天。是不明也。故承天意而異之於天下。箋云。天異之。故姜嫄置后稷於牛羊之徑。亦所以異之。○寘。之。豉反。下同。隘。於懈反。巷。戶降反。腓。符非反。避也。

### 誕寘之平林。會伐平林。

牛羊而辟人者理也。置之平林。又為人所收取之。

# 誕寘之寒冰。鳥覆翼之。

大鳥來。一翼覆之。一翼藉之。人而收取之。又其理也。故置之於寒冰。○藉、在夜反。

# 鳥乃去矣。后稷呱呱矣。

於是知有天異。往取之矣。后稷呱呱然而泣。○呱呱音孤。泣聲也。尚書云。啓呱呱而泣。是也。

〔疏〕誕寘至呱呱。○正義曰。上言后稷之生。此言棄穰之事。言可美大矣。棄此。置之於狹隘巷中。牛羊共避。而憐愛之。嬰兒未有所知。當爲牛羊所踐。今乃避而愛之。故可美大矣。以牛羊避人。理之常也。又置之

平林。可美大矣。又棄此。后稷置之平地林木之中。會值有人往伐平林。伐木之人。見而收取之。嬰兒之在林野。當爲鳥獸所害。乃值人收取。是可美大矣。又以人之取人。乃是常理。復置之寒冰。可美大矣。復棄后稷。朝旦於寒冰之上。有鳥以翼覆以翼藉之。鳥非人類。而覆藉人。是可美大矣。既知有神。人往收取。鳥乃飛去矣。后稷遂呱呱然而泣矣。此其有神靈之驗也。○傳字愛至天下。○正義曰。易屯卦云。女子貞不字。十年乃字。是字爲愛之義也。知天生后稷異之於人者。若其不異。不應棄之異之於人。謂有奇表異相。若孔子之河目海口。文王之四乳龍顏之類。但書傳不言后稷異狀。無得而知之耳。言帝嚳若不順天意以顯之。則是爲不明。則棄之者帝意也。以此傳觀之。則后稷之生。嚳尙存矣。不得爲遺棄矣。○箋天異至異之。○正義曰。箋以履迹而得后稷。雖與傳禮祀得之不同。其於異而顯之意亦一也。故乘傳而釋之也。天降精氣。以生后稷。本欲異之。故姜嫄置后稷於牛羊之徑。亦以異之。亦者。亦天也。○鄭以姜嫄非帝嚳之妃。其棄后稷出姜嫄之意。故言姜嫄也。步道曰徑。以經稱隘巷。故以徑言之。此詩之意。欲顯其異而棄之。周本紀以爲不祥故棄之。謬矣。○傳大鳥至藉之。○正義曰。以翼能覆藉嬰兒。故知大鳥也。以經翼在覆下。則上覆下翼。明非一翼耳。人體忌寒。近冰尤甚。既奇而覆之。明亦愛而藉之。故知一翼覆之。一翼藉之。經因鳥有二翼。互其文以見此意耳。姜嫄以玄鳥至月而禱祀。在母十月而生稷。其生正當冰月。故得棄之冰也。

# 實覃實訐厥聲載路誕實匍匐克岐克嶷以就口食

覃、長。訐、大。路、大也。岐、知意也。嶷、識也。箋云：實之言「適」也。覃謂始能坐也。訐謂張口「嗚」呼也。是時聲音則已大矣。能匍匐，則岐岐然意有所知也。其貌嶷嶷然有所識別也。以此至于能就衆人口自食，謂六七歲時。○覃徒南反。木或作譚。訐、況于反。匍音蒲。又音符。本亦作扶。匐、蒲北反。又音服。本亦作服。岐、其宜反。嶷、魚極反。說文作𡵓。云小兒有知。長、張丈反。或如字。別、彼列反。

## 蓺之荏菹荏菹旆旆禾役穉穉麻麥幪幪瓜瓞啍啍

荏菹。「戎也」。旆旆然長也。役、列也。穉穉，苗「好美」也。幪幪然，茂盛也。啍啍然，多實也。箋云：蓺，樹也。戎菹，大豆也。就口食之時，則有種植之志，言天性也。○蓺、魚世反。荏菹、而甚反。叔、或作菽。音同。郭璞云：今胡豆是。旆、蒲具反。穉音遂。幪、莫孔反。瓞、田節反。啍布孔反。徐又薄孔反。長如字。又張丈反。

### 〔疏〕

實覃至啍啍○毛以為上既言收取后穉。此說其長養之事。言后穉實以漸大。言差大於呱呱之時也。於是之

岐岐然。又能貌有所識嶷嶷然。以漸有智慧。能就人之口取食而啖之。纔始能食。即有種植之志。所種蓺之者是荏菹也。此荏菹乃旆旆然長大。種禾則使有行列。其苗則穉穉然美好。所種之麻麥。則幪幪然茂盛。所種之瓜瓞。其實則啍啍然衆多。是其本有天性。種則美好。於後果爲穉官。而天下蒙賴。於匍匐之上言誕者。爲岐嶷發文。美大於匍匐之時能岐嶷也。○鄭唯實覃實訐爲異。言適始能坐而覃然。適始張口而訐然。餘同。○傳覃長至嶷。○正義曰。釋言云。覃、延也。延引是漸長之義。故爲長也。訐大。路大。釋詁文。以岐嶷言克。克是其性智之能。故以岐爲有智之意。嶷爲有識之貌。內有所知。乃外能識物。故先岐後嶷。○箋實之至歲時。○正義曰。實覃實訐。爲厥聲載路而言。誕實匍匐。爲克岐克嶷而設。一敗一實之爲義。不指覃訐匍匐之體。故云實之言適也。適覃訐而聲已大。適匍匐而已能岐嶷。爲早慧之勢也。定本爲實之言是。案集註並爲適。又以上言呱矣。謂其泣之聲。下言匍匐。指其小之體。覃訐之文在其間。則亦指小時之實狀。故云覃謂始能坐。訐謂張口嗚呼。儀禮註云。禮之言澹澹然安意也。則覃亦安意。故爲坐也。訐音呼。字又從言。故爲張口嗚呼。是時聲音則已大

矣。謂大於呱呱之時。因言張口嗚呼。卽說音聲之大。且嬰兒既坐而後弄口。破坐而後匍匐。則智識漸生。故於匍匐之下言岐嶷。皆爲事之次也。所知在於心神。故云岐嶷然意有所智。識別發於耳目。故云其貌嶷嶷然有所識別。見內外之異也。岐嶷皆是其貌。故重言之。此岐嶷在匍匐之時。則其生亦未一年矣。就口食之時。則已稍大。故云以至於能就衆人口自食。謂六七歲時也。言至於者。後此至彼。見其間懸遠之意也。后稷以上智之資。必當早慧。六七歲時。不應猶就人食。鄭言六七歲者。以凡人之事準之耳。或以爲就口食者。謂爲稷官。以成就衆人口食。案下箋云。就口食之時。已有種植之志。言天性也。若爲稷官之時始有種植之志。不足言其天性。且種植之志。非始官居之日。指斥居官。不得云口食。以此知以就口食正謂就衆人之口自取食矣。○傳荏苒至多實。○正義曰。釋草云。戎菽謂之荏苒。孫炎曰。大豆也。此箋亦以爲大豆。燮光。舍人。李巡。郭璞。皆云今以爲胡豆。璞又云。春秋齊侯來獻戎捷。穀梁傳曰。戎菽也。管子亦云。北伐山戎。出冬蔥及戎菽。布之天下。今戎胡豆是也。案爾雅戎菽皆爲大豆。註穀梁者。亦以爲大豆也。郭璞等以戎胡俱是夷名。故以戎菽爲胡豆也。后稷種穀。不應捨中國之種而種戎國之豆。卽如郭言。齊桓之伐山戎。始布其豆種。則后稷之所種者。何時絕其種乎。而齊桓復布之。禮有戎車。不可謂之胡車。明戎菽正大豆是也。此荏苒重言者。以菽之文。爲下總目。於荏苒配之爲句。又分別說其茂之狀。故重言之。人供役者。在於行列。禾無在役之義。故知役爲列也。言其行相當。因禾文單。故以役配之。其旆旆穰穰。皆言生長茂盛之貌。因其文異。故以長好茂散而承之。其實互相通。瓜瓞與五穀異苗。以其蔓長。故不爲葉茂。而以啐啐爲多實也。定本啐啐多實之上。云瓜瓞酌也。案集註等並無此四字。○箋菽樹至天性。○正義曰。口食之時。已有此種植之志。言其天性也。言其天性善於種植。於後果爲稷官。周本紀曰。棄爲兒時。其遊戲好種植。麻麥美。卽此是也。又曰。及爲成人。遂好耕農。相地之宜。宜五穀者。稼穡之民皆法之。堯聞之。舉棄爲農師。天下宜其利。下章是也。

## 誕后稷之穡有相之道

相。助也。箋云。大矣。后稷之掌稼穡。有見助之道。謂若神助之力也。○相。息亮反。註同。

# 萑厥豐草種之黃茂實方實苞實種實稊實發實秀實堅實好實穎實粟卽有邠家室

萑、治也。黃、嘉穀也。茂、美也。方、極畝也。苞、本也。種、「雜」種也。稊、長也。發、盡發也。不榮而實曰秀。穎、垂穎也。粟、其實粟栗然。邠、姜嫄之國也。堯見天因邠而生后稷。故國后稷於邠。命使事天。以顯神順天命耳。箋云。豐苞亦茂也。方、齊等也。種、生不雜也。稊、枝葉長也。發、發管時也。粟、成一也。后稷教民除治茂草。使種黍稷。黍稷生則茂好。孰則大成。以此成功。堯改封於邠。就其成國之家室無變更也。○弗音拂。韓詩作拂。拂、弗也。種、支勇反。注種雜種。種生不雜。下嘉種并注。並同。稊、余秀反。穎、營井反。穗也。尚書云。唐叔得禾。異畝同穎。是也。邠、他來反。后稷所封國也。今在京兆武功縣。

〔疏〕誕后稷至家室○毛以爲既言后稷爲兒時好種田。此後言其爲稷官時事也。可美大矣。后稷之教民稼穡。若有神明相助之道。言種之必好。似有神明助。故可大也。又說其若有神明助之狀。言后稷之教民種植。乃除治而

去其茂盛之草。既去其草。於此地種之。以黃色而茂盛者。謂黍稷之穀也。於是此穀既生。實方正而極於壟畝。無空缺之地。實根本而盡皆均調。無稀穢之處。謂春生之時也。其苗實雍種而肥大。實稊稊然而生長。謂夏末時也。稍至秋初。禾又出穗。實盡發於管。實生粒皆秀。更復少時。其粒實皆堅成。實又齊好。實穗重而垂穎。實成就而粟栗然。以此故收入弘多。堯善其功。而賜之土宇。封之於邠。就有邠國之家室焉。○鄭以方謂苗生齊等。苞謂苗之茂盛。種謂田種不雜。成功而改封於邠。非始有國土。唯此爲異。其文勢則同。○箋大矣至之力○正義曰。下言有邠家室。言功成之時。則此章說爲官時事。故云后稷之掌稼穡也。助人者唯神耳。故知有見助之道。謂若神助之力。○傳萑治至天命○正義曰。萑治。釋詁文。此說后稷教彼。而言種黃。則黃色是穀也。穀之黃色者。唯黍稷耳。黍稷穀之善者。故云黃嘉穀也。以黍稷是民食之主。故舉以爲言。其實諸種之穀皆種之。閭宮言種稱救麥。尚書稱播一疇一百穀。是所種非獨黃也。茂盛則人所美愛。故以茂爲美。此種之黃茂。爲下摠目。自此以下。皆說嘉穀茂盛。故先言黃盛以摠之。方者正方之義。謂極盡壟畝。種無不生。地皆方正有苗。故以方爲極畝。易稱繫于苞桑。謂繫之桑本。故以苞爲本。莊子說木之肥大。云雍腫無用。故以種爲雍腫。謂苗之肥盛也。稊者禾長之貌。故言長也。發者穗生於苗。初發苗生也。以上言苗之極畝平均。則發者非獨一莖發耳。故言

盡發。則衰亦盡。長、秀、穎、好、粟、皆亦盡然。舉一以明上下也。釋草云。華、莛、榮也。木謂之華。草謂之榮。不榮而實謂之秀。榮而不實謂之英。是不榮而實曰秀也。李巡曰。分別異名以曉人。然則彼是英秀對文以英爲不實。故以秀爲不榮。其實黍稷皆先榮後實。出車云。黍稷方華。是嘉穀之秀必有榮也。此傳因彼成文。而引之耳。說文云。穎、禾末也。禹貢定賦遠近之差。二百里納銚。三百里納結。註云。銚、斷去粟也。積已。故云穎垂穎。言其穗重而穎垂也。要是穀穗成就之穎。故云其實粟然。桓六年左傳云。奉酒醴以告曰。嘉又「去」穎。則穎是禾穗之挺。書序云。唐叔得禾。異畝同穎。謂挺上合也。美其禾之成就。不當言其有穎而已。故云穎垂穎。言其穗重而穎垂也。要是穀穗成就之穎。故云其實粟然。桓六年左傳云。奉酒醴以告曰。嘉粟旨酒。服虔云。穀之初熟爲粟。是粟爲穀熟貌。世本云。有郟氏女曰姜嫄。故知郟是姜嫄之國也。傳以此言封之於郟。下言祭天之事。故解其意云。堯見天因郟而生后稷。謂使郟國之女生后稷也。故國后稷於郟。謂封爲郟國之君。又特命之使得事天。所以顯后稷之神。順上「天之命故也。言國后稷於郟。猶文王箋云而國於周。后稷以前。未有國。於此始封之也。此郟爲后稷之母家。其國當自有君。所以得封后稷者。或時君絕滅。或遷之他所也。○箋豐至變更○正義曰。釋詁云。苞、茂豐也。故知豐茂皆爲茂也。以經已有茂。故言亦也。經每實之下。皆當字成義。直言實本。則不知何本。且爾雅以苞爲茂。故易傳也。方是方正。故言齊等。與傳極畝亦同。但齊等據苗均。極畝據地滿耳。以傳言雍種。是肥充之貌。禾生雖肥。不能至雍種。種者繫本初種之稱。卽大田既種是也。故以種爲生。不雜。謂不稂不莠也。傳以衰爲長。故申之爲枝葉長也。傳以發爲盡發。不解發意。故云發管時。苗之將秀。心如竹管。穗發中而出。故言發管也。傳言其實粟。止言粟是實貌。不言所以得然。故言成就以足之。案集註云。粟成意也。定本以意爲急。恐非也。就其成國之「室家」無所變更者。謂郟國先有宮室。后稷就而有之。所以美后稷也。○鄭以姜嫄之夫先爲二王之後。是先天有國。故言改封。其封早晚。亦無明文。中候握河紀云。堯卽政七十年受河圖。其末云。斯封稷。契、皐陶、賜姓號。注云。或云。其七十二年。斯封。封三臣。止言封號。不道其時卽封。此言成功。蓋治水畢後。地平天成之時也。稷之功成。實在堯時。其封於郟。必是堯之封矣。故此箋及傳皆以爲堯。周本紀云。禹封稷於郟。號曰后稷。以后稷之號。亦起舜時。其言不可信也。杜預云。郟。始平武功縣所治釐城是也。

# 誕降嘉種維秬維秠維糜維芑

毛詩注疏 卷十七 十七之一

一四五五